

養素堂詩集

養素堂詩集卷二十一

老威張

浮漚集上 辛卯

大風泊康郎山

沙嶺欲陵霄  
篷船此駐橈  
風狂颿鼓歇  
浪怒蛟龍跳  
塵戰悲奔

代窮塗歎此朝  
康郎應識我不怕  
皖公遙 時赴安慶

舟過馬當山

陸行之險有太行  
水行之險有馬當  
馬當峯巒雖未峻  
中流底柱波難狂  
匡廬高高在其東  
小姑大姑當面逢  
大輔先生今已去  
誰歎送我一帆風  
自笑束裝太脫畧  
未買一雙草不僧  
安得報我錦鱗魚  
徒望怒濤生銷愕

寄懷浮梁顧鹿畦

倬標

大令

九派漲煙波思君不見何素冠仍旅客偃室正絃歌回首青盆在將書錦鯉多浮梁茶自好寄我愈愁魔

康谷笙歌歇將軍浪井開憐佗匡俗去愁見督郵來水木何明瑟乾坤付淺杯中原知己淚灑向豫章臺

何日得西歸松楸故國違恨隨江月上夢逐隴雲飛佗吏容顏瘦觀書道義肥無能黃冶術跋涉是麻衣

衰病已侵尋牀頭又盡金枯魚莊子恨窮鳥趙君吟溝水分南北浮雲變古今仙人韓眾藥何惜一杯斟

舟過東流縣

一派竟東流方舟不可留蒼茫雲樹黯飄飄蒲帆遁客子心飛  
鳥何人掌狎鷗青山怕我見佗霧隱龍頭

食比目魚

嘗聞比目魚言在東海涇今見比目魚乃自東流縣僕人備晨  
羞百錢買來賤分之爲兩形合之則一片其狀如牛脾紫色鱗  
細練罩鮓膳吳都單行柳爲貫或云鮓爲名又說鮓可薦許慎  
注虛鰮訛者以鮓變韓嬰復作鰮母乃失外傳我非比肩人何  
緣舁爾面芼之以薑蔥大嚼爛如麪佐以肥豬肝旣飽仍流嚙  
昌黎紀南食我亦忙洗硯

舟抵安慶

作客卅年游蹤散曉煙重來萍汎汎又見草芊芊黃鵠誰窺影朱鱗倩寄箋大觀亭上望流水媚清漣

謁余忠宣公祠墓未果

百戰保孤城無援不可撐歐刀提慘淡塘水坐澂清宰木風猶烈祠松月有棱未曾椒奠酒灑淚自縱橫

文章原賈董詩筆又齊梁大節乾坤氣丹心日月光福重眞烈子耶卜亦貞娘墓上青青竹偃呼梓弄桑

忠宣公係  
吾老威人

贈顧二劍潭

瀚明府

何幸皖江見顧雅廿年巴國記相逢牽絲君亦風塵吏乞食吾猶戶戶農浩蕩江湖白鷗在奔馳日月碧雲封三商夜語鐙花

燦不讓當陽在庫鄒

干請何能守性真杜陵雙淚灑江濱何心天地勞筋骨不識詩

書易笑嘲優孟曾爲廉吏狀陳琳最怕大巫神扁舟又向青谿

去悽讀蘭成句調新

君季蘭崖工駢體在程梓廬中丞幕

贈宋玉庭

翔鳳孝廉

話別幾經秋相逢我白頭功名是斷梗天地如奔駒萬里松楸

夢千竿竹簡愁誦君詩句好一上洞簫樓

中原何莽蕩氣味幾落岑人笑儒爲腐吾期汝作霖

君將赴選中流

須立足莫夜可明心相見無多日仍彈別鶴琴

和詩

宋翔鳳

二十六年別江花滿渡頭浮生各書劍舊事付輪軸水有  
難回意山成不斷愁莫嫌春樹隔縹緲時飛樓

九州如泛梗萬里憶同岑到處醉常哭何人夢作霖恐荒

先世業欲愴故交心

蒙詢先君子遺書

不見公孫廐天涯合碎琴

謂南崖太傅之沒也

貽鄧顯筠 廷楨 撫軍

事業瀾峯柱文章玉樹柯堪肩

天子寄頌起皖公疇鴻澤收哀嚮棠舟濟巨波

時有水災

我來三月

莫猶被惠風和

乾坤回九區郝復計窮塗島島關山夢江湖歲月租乍疑津可

逮轉覺病難扶何幸逢高密偏知張願孤

憶昔在青門曾陪笑語溫雲龍看變化櫪驥失騰奔竟少桃花  
米仍傾竹葉尊黃山曾蠟屐可有舊蹤存

拔劍倚蒼穹豐毛羨遠鴻竭來皖公國雲日豁然空點檢秦殘  
觸摩抄蕩廢銅征帆明且挂回首大江東

贈蔡友石

士松觀察時署按察司

每到菊花黃橫街襲暗香羨君九皋鶴牧我百羣羊無那催科  
拙因之蹇躓傷嚴霜又摧竹萬里是家鄉

莽蒼忝川塗逢君意氣靡春風三月莫老淚一時無皖伯峯猶  
峻蕪湖月自孤銜鉤何幸脫佗日報明珠



江湖總逝波歲月亦奔梭詩卷留殘葉松筠憶舊柯龍頭雲滄  
淪龍尾水沱沱風雨作鄉感何時到薜蘿

把酒酒腸寬更闌笑語歡十季京國夢片刺裏懷看不信浮雲

幻從知行路難大觀亭上望鄉哲寸心丹

余忠宣公  
係荏威人

書劉養雲

煜

太守南翼輿頌篇後用元韻

齊東領郡眾心傾不斷謳歌歎息聲父老山中勞遠送弟兄簾  
外釋紛爭染人如此丹青色知己依然草木名南國清風今又  
穆片帆何幸此南行

猶憶青門種菜季詹生送抱久流連

君猶子詹生方伯領郡西  
安日昇余敘同館龍極款

密章江風木悲慈母皖水萍蹤見大賢民口如碑姚合集君名

在日伍喬緣古來郡守三公佗卿月台星一樣圓

號客農民感化熙宛如君子國游嬉菩提心在羣相悅霹靂手  
飛誰敢欺種得科名花昇草占來風雨畢兼箕夾輶白鹿迎君  
日晷我登樓佗賤時

曾慕長卿駕駟駢罡風吹落羽毛稀懷鉛握槩儒生腐覆雨翻  
雲世態非亦有鶴城畱別賤余於九季告病士民赴郡乞畱賤詩送別者百餘人刊有鶴城送別  
詩集定無牛舌試姦威可知經濟關天分長者劉昆眾所依

寄懷金鼎壽大令

自別日禪來西江困象材雲天鴻雁影月夜杜鵑哀萍泛江湖  
闊九飛日月催中原有知己爲我歎虺隤

舟泊皖公城春風拂浪輕故人不可見江上暮煙橫猶憶黔陽俗何由隴畝耕雙魚將我意古劍向君鳴

舟至荻港已夜乘風又行

江波陵浩蕩風氣散清淒客子如鷗鳥枝多不肯棲星高光替月燈暗火吹藜帆影搖空際漁歌入曲谿腹飢將酒就路遠藉詩題何處孤鴻響驚回夢欲迷

過蕪湖舟泊太陽河

夕陽銜遙嶂中流見太陽落帆天漠漠拍岸水茫茫微月縣林際清風掠鬢旁鱸葍聊四顧何處是伊涼

吾生何況萍萍泛意茫然不肯買山隱何由抱月眠游魚潭是

府老鶴芝爲田而我勞勞甚煩憂日夜煎

有感

眇然思古人古人不可見鮑焦曾棄蔬靈輒亦受膳炎夏或披  
裘寒冬反著練權衡取异閒義利未能眩我胡爲憧憧毋乃性  
真變亦恐膠其情捫心仍鏡面西涼路八千松楸夢寐戀安得  
壺公方縮地不須趺天際下歸舟白雲飛片片

贈陸心蘭

言

方伯同季

作吏亦窮塗紛吾信腐儒雙丸消日月一葉汎江湖天地生原  
篤詩書氣不孤況逢陸子靜真意滿蓬壺

時舍余  
於瞻園

淳化布江南勦猷大范參風和能遠汎雨好總畱甘意靜山容

活心虛鏡影涵晁真經術彥永夕聽高譚

學道我何曾絃歌化亦興脂膏寧自潤骨鯁有誰矜  
萬里魚書渺千辛蠶簡仍淵明嘗乞酒得不惹煩惱

少年幾何日白髮竟飄飄世事半髀熟鄉心雁影遙  
勞人殊草草知己未寥寥明日扁舟去飛筇上海焦

自金陵赴揚州

竟日坐船舫酒消眠復醒觀書疑字綠無意看山青  
岸遠天低水風高鷺臥汀猛然循蒜髮辜負草半亭

瓜步又眞州春江竹箭流誰家蘧清艸望遠不勝愁  
淮樹連天羃江雲匝地浮明朝廣陵泊好醉詠詩樓

舟過黃天蕩大風

記得黃天蕩今番破浪行  
魚龍迎桂楫書卷伴鸞鸞  
帆影遮雲影濤聲捲雨聲  
江豚紛出沒遮莫懼儒生

晤白小山

銘

學使於揚州別後聞其校試通州卻寄

忽驚賤子來已甚廿年別  
佗吏仍慳囊逢人每折節  
波濤遇故交肝肺生新熱  
緬仰使車星轉悲鴻爪雪  
斜街簪賞花荒浦今又鼉  
轉瞬事都非探懷刺早滅  
江流未浣腸柱史從存舌  
倦鳥戀家山枯魚愁涸轍  
見君目刮錐笑我鬻橫鐵  
豈不念飄零依然言淩絕  
浮鷗蕩遠波病馬躓高岳  
婦死骨生牙兒頑喉咽蘖  
一官室罄瓶四海足牽紕  
髮蒜總坐坐心灰從憊憊  
窮塗弄命

爭捷徑知才劣點露擘藏圖充筭富瀝碣簞幽壁豈呵劍失舟

毋鋌廣大此乾坤周流惟噉噉小人惠敢懷君子意寧屑安得

沙棠舟載之洲渡烈

烈洲卽栗洲

贈俞陶泉

德淵

都轉

廿載隔儀型相逢眼倍青有懷傾舊雨知己數晨星日月奔雙  
驥江湖泛一萍登艫聊轡顧此地幾回經

離政久陀殯惟君是天才

帝心好簡在民口如碑來梟斂風吹霧龍盤雨起雷匡時真偉  
畧使我念裴哀

棲棲一旅人仕也轉憂貧故國松楸夢佗鄉溧瀨濱烏依何處

樹麟覆野人薪甯想爰精目天地贅癭身

傾軋亦何傷循稔爲慨慷此心孤月白無夢熟梁黃雲影梅花  
樹虹橋竹葉觴願君調鼎爾勝我樹甘棠

偕胡雨香

子良

水部錢詹叔

壽僧

大使游平山堂

又到平山看萬松廿年風景失并蹤池臺半辟長平瓦竹樹猶  
依犖峴峯那有笙歌喧画舫但多落蘚上銅鐘司勳舊日揚州  
夢歎息濃陰不再逢

維舟小憩綠楊旁墮蘂殘花也自芳竟日不聞靈鳥喚何人再  
續冶春章蕭疏小雨喧荷渚鬢亂頑雲失蜀岡一首蕪城明遠  
賦凝思那得不心傷



題家芥航并河帥兄願游天下名山十圖

曾自南湖泛西湖

南湖在嘉興昇錢衍石同游

春風駘蕩吹輕襦葛嶺堂荒

笑買相鶴亭梅老尋林逋飛來峯側泉味冷汲之且復烹皋盧  
大好韜光萬个竹青青影入葭蒲菰南高飛雲北高雨花港荷  
響天模糊何來宋子唼芳桂無復韓王騎鑾驢君今泛艇探幽  
趣西子髣髴飛青矚六橋柳色侵衣碧雙槩鷗波奏曲飲樓鞵  
得得到靈隱龕谷潮來百靈驅良夜叩舷神張王摘星喝月任  
狂呼但恐回瀾砥柱手不得投閒卜瞿觚願君少安且鬢釀千  
有使者呈黃圖

右西湖泛艇圖

絳幅練兮奔雷訇聽是香爐瀑布聲二千三百六十丈上有子  
孝吹簫笙五老雲中相拱揖銅編無楫誰相迎君欲匡廬眞面  
觀不憎衣溼松杉雨落星石激彭蠡濤澎湃如喧百萬鼓爲問  
誰到山之巔周康秦皇并漢老

右匡廬瀑布圖

管我游黃山偕者方子雲

歙方君湛崖溥

軒皇丹竈空想像但見紫玉

高嶙峋冉冉雲漸出須臾布無垠駭絕飄墮大海底蛟鱗牙血  
愁無身清風橫掃漏日角不知已作雲中君先生有才大如海  
曾向海口躬歷巡忽欲踏雲到天都邊獨早已離風塵雲耶海  
耶相吞吐木魔山恠忤紛紛化率策杖果遂願我欲攜囊相逐

再到海東濱

右黃山雲海圖

若欲窺龍湫莫先履雁蕩雁蕩最多奇峻嶒三百丈石鏡映崖  
并蚪松挂壁上吹笙仙子來萼蓋依香象萬朶青芙蓉攬之紛  
在掌茲游信極探彌覺心神王千百啁啾音魚龍聽亦爽不如  
歸去來再策蓮峯杖

右雁蕩探奇圖

阮劉仙飮飽胡麻洞口雲飛眩眼花底事化工工弄巧空山倒  
瀉天河耶

平生得見奇觀曾霞外虹縈白玉繩界道飛流孫綽賤東坡何

必笑徐疑

右天台觀瀑圖

虹梁鶴晴空賓雲奏仙曲太姥坐寶牀曾孫秉鸞燭幔亭鶴一  
鳴天風起巖谷人閒信可哀此地良爲福君兮泛櫂來沿谿看  
萬綠頽秀千桃花紅影弄朝旭卻上種茶巖雷聲催采掇扳蘿  
尋鐵船厂際瀉飛瀑石室鑄丹經雲籤僊霞軸醒眼一觀之乃  
知神可浴碧鬟送瓊漿支飽填腹

右荅夸汎櫂圖

羅浮有梅翠羽啁啾師雄夢醒參橫月流嬋娟美人影去神留  
繫此鄧尉句吳之西單椒秀澤曲厠回谿泰元殘碣典午所題

是何人家都種梅花  
斷橋殘雪古塢晴霞  
水邊點綴竹外橫斜  
策筇來尋風雪滿林  
皓色浮月冷香在琴  
青芝紫竹結伴知心  
若有所思隴首歷屢  
迢迢驛使春折一枝  
江城擲遂官閣驗詩

右鄧尉看梅圖

帝庭高臥動星辰  
披著羊裘早引身  
七里灘高此坐釣  
千竿臺在有游人  
狂奴詎許添傭菜  
老子何爲餌尺鱗  
五月桐江殘夢醒  
圖形不羨鄧吳倫

先生雅意愛嚴光  
江上煙波望渺茫  
幾處画簷唳不斷  
有時雲影落都香  
何人睂髮呼朱鳥  
此日回帆問假王  
況是釣鼇舟楫手  
好饗河鯉奏宣防

右巖灘訪釣圖

嘉慶乙亥秋八月曾上巖睂窺天關夜半佛光趁雲來萬鳥念  
佛聲不歇滿山古雪唐堯年寒氣逼人森毛髮何意劫火到普  
賢左手一指鎔金骨此嘉慶二十二年事歸來已曷十餘年夢想時在等  
巖窟見君此圖倦眼開謾君此游慵神勃安得短衣隨竹筇盡  
覽玉壘蜀山兀桃花小犬不吠驚瑤草琪葩披林樾大千世界  
都光明好向陰崖黃獨掘

右巖睂望雪圖

我曷倦游人歸裝欲返秦青西瓜五色白閣月重輪來訪北南  
垞容爾坎壈身右丞如見許卜宅作芳鄰

君亦愛金泉支筇到峒川  
驗行竹蘭側醉倒茱萸  
弄白眼看天  
小青山入夢眠何人作  
裴迪寒犬吠雲煙

右峒川倚杖圖

和芥航兄自黃河口出海夜泊開山紀事元韻

海上三神山靈奇莫與配  
宮闕耀金銀仙宅此焉賴  
卽之風引舟誰能駕高汰  
陳荃咎張帆軒蹠波盪濺  
拔劍怒叱之風定海若誠  
吾宗持英簫來償觀海債  
大扁泛委輸驅使長年輩  
回首謝濁流始見瀛環大  
高峯涌巨鱗吞舟半啓  
斷舟子禁勿言微髮血流  
喙須臾霧撥天劇喜此行  
支南尖北尖交底用蠡測  
槃宛在水之中似游天以  
外蜚煙籠笠葦颶颶揚衣  
帶擬向鯢壑

來卻舁扶桑背繇繇勢粘天鄧籛何日屆鯤鵬運扶搖一笑鼃  
伏瀨馬銜獨角跳驚波又清泮龍伯舁鯨人矜銜珠玉會空際  
揭神鐙遠照尾閭界或昞陰火然木鸞言豈悖纔知渤澥寬尚  
在神州內蜃氣成樓臺隱隱列市闐雜縣亦避風健翮飛無閼  
到此遺形神何須一絲挂欲叱鼉爲梁極意東南邁轉恐瓢大  
洋羅剎骷髏戴樓船高戟戟眇若粟舁芥但聽潮汐喧未覺鐵  
沙隘瞬夕臨開山颶颶披衿悽倚檣望沃焦島嶼殊瑣碎眇眇  
島一鳴泉客捩眼猶靈蚌吐胎光人魚弄嬌態未攜買胡來鱗  
瑩接紫貝探得睡驪珠充囊附舟載忽聞波底聲藻廉奏奇籟  
伐鼓弄之爭鱗族紛散潰立波俄以平遠山小稊稗呼童煎芥



茶爲語陽侯敗念彼逐臭夫歸去從大話四顧仰蒼蒼風靜雨  
又霽吾儕各立身墮行慎冥晦渡遼張建章不欺神可對青衣  
送之來輕綃貽靈性方今

聖恩慈未曾帑金愛君平勤宣防未便將身何何以涉波濤忠  
信斯爲最平生志壯游名山披草昧茲者到滄溟月出破罨靄  
波臣爾莫驕回瀾有吾在暇當續爲圖指點千萬派慨思河昇  
淮屢屢金隄壞上勞

宵旰憂錢幣費已太何幸息瓠歌爲魚去民害半夸儻貢書姦  
除狼犴狽神力實默相況乃

聖恩沛奏績自平成安流無洪殺輓粟迅飛芻天庾多藏蓋鏡

清海淨塵牲刑河愈瘳大智不須鑿慎守孟子戒

芥航兄示出海夜泊開山紀事詩題其後

乍聽驚濤捲浪聲神魚拜舞老龍迎試看日月鱣波浴無限樓  
臺蜃氣成絲網蟹來漁戶慣鐵門沙去尾閭平游蹤到此游真

壯添入名山倩画生

君有願游天下名山十圖

我乃拘墟等陷蠅何辜擊汰附仙查郝禁泉客彈珠淚敢向波  
臣覓石等曾說崑侖牽地軸何期萍梗寄天涯讀君傑作還惆  
悵風雨蛟龍夜攫拏

芥航兄以銅鼓送焦山作歌紀之和其韻

周宣獵罟曰石鼓矣初字文有數家蘇綽兒孫未嘗說永卿倡

議毋乃瑕猶幸移置國子監鴻生摩挲辨凸窪南昌司馬

萬廉山承

紀

藏銅鼓荇藻曲蟠六蝦蟆謂是新息侯故物據鄺露言諒非

麥坎坎淵淵發金響斑斑駁駁凝土花不鏽季月書姓名豈非  
古人尚質耶一旦持贈歸二竹敲以聖顙逢人誇慨然歎息緘  
滕固何異威鳳囚在笱兼恐神物終變化六丁乘電宵攫拏焦  
山之頂敞蘭若巖谷幽秀絕紛綽況有偕葦老衲在以香火供  
郝有差謫吉送爾歸山去風日清美休氣嘉輕舟細載蛟鱷避  
半塗不逢鬼歔歔山靈來迎生錯愕風車雲馬霓旌斜位置妥  
帖蓮花側沙彌諷唄伊優啞山靜時有雲煙覆江清絕少塵坌  
遮半夜光芒射牛斗月蟾欲落灘禿嶺老龍自咤無此物嘯聚

鱗族紛喧譁，散花天女羈來叩。嬾僧膜拜披袈裟，亦有削瓜頭。  
巾士挂帆登麓手，搔爬磨墨拈髭鬥。險韻顚壁意欲籠輕紗，吾  
聞南粵易拊搥。溘兵深入林藏廢樓船，下瀨爭邀擊。穆氏疑相  
矛鏃加，韓千秋乃胡爲者。輒效介子割，莫邪朱鷁已定徵。側爐  
銷鑄馬式高，祭牙毀之不盡多。藏匿漸出翻疑獲，生豸焚童峒。  
女時宴樂柳酒醉，舞銀釵撾厥後。諸葛征苴部，亦復模範鎮荒  
遐。哀牢乞画輸，金鐵濟火揶揄。彈箏琶我畏天山，一樵客飲得  
金液啜羅閣。悵君恢廓不愛寶，拋捐奚啻泥滓沙。欲嗾焦先謀  
偷竊，恨未生羽陵頻伽毗沙呵。馥邠可近紺髮飛出光明霞，悔  
過雷門持布鼓，驚翔魚扣誰窺涯。

芥航兄以所得銅鼓置焦山作歌紀事因志二律

伏波銅柱鎮南蠻銅鼓當年亦警頑一落人間爲寶物何如位  
置此名山銀釵夜叩來龍女蜃氣朝含現佛鬘自是使君多意

匠不教雙鼎占孱顏

焦山舊有周漢二鼎

久聞此制始巫咸

世本巫咸始作銅鼓宋衷注蓋南中所作

諸葛南征又鑄鑊甲子

不書雙款餓蝦蟆在腹四環銜諸天護惜多龍象好事摩挲挂  
布帆我向焦先尋漢事岑牟怕作漁陽搥

昇師禹門

亮采

家味石

師

琅玕館小坐

琅玕館外古藤花鶴鹿相隨卽是家且莫乘查問天溘澹園園

裏匡煙霞

循淮岸行人禹王宮

圓宋禹王宮高臺百尺崇冕旒圭日月侍衛靈雷風竟使支祁  
伏誰能大智通殘碑顯正統老眼辨魚蟲

陳潛二公祠

治水說陳潛能回既倒瀾河淮安枕席隄障費心肝執咎羣疑  
破持籌五夜寒排沙功莫嗣舊跡至今殘

陶雲汀澍制軍召飲清澗行署同席者陳學坡鑾廉訪

纔擁兩江節爭看壁壘新鹽梟郝貸死私梟黃某屢拒捕殺人

死且爲求官奉嚴旨左遷去君莅任奏置重典隄螫或由人近日河員以其自首奏免

互相牽曳有微鱗水到眼無閑事開衿有辟塵流光如轉瞬應

念禱冰辰

君官給諫巡南漕天寒河凍禱於露筋祠而冰解紙有漕河禱冰圖

君乎今因譜我亦愛倉曹無奈囊羞澀其如蝨飽饕

君欲爲余刻姓韻卽

席倩學坡廉訪核其字數計需四千金因笑曰此大東道力不能辦

笑傾杯裏蟻愁盤石中蟾今

夕眞霑醉倒顛披葛袍

顓范吾山

玉琨

觀察月夜登岱圖

乙丑之夏登岱宗豐隆擊鼓雨淙淙黑雲飛出雙白龍蒙首跌  
坐秦時松不肯半途返竹筇振衣直陵丈人峯李斯碑腐披蒙  
茸一笑劉徹徒登封竭來作吏江之右眞面匡廬落吾手不見  
稷卨牽茅狗卻逢吳猛傾桂酒麝囊花開大如斗香爐瀑布雷  
霆吼石門隱約虎豹守方輔先生策驢禿今披此圖意茫然白

月宛宛正當天有人來踏九點煙山魑木魔不敢弄展齒直壓  
天孫肩東海濤聲頭上縣如此探奇乃真仙雞鳴日出扶桑顛  
吁嗟人世多危塗銅墻鐵壁吾防吾胡爲半夜偕髯奴策杖大  
向東皇呼畏佳之處跳獬豸手扳藤葛膽氣竊星辰滿目霜袍  
濡閉戶不出真腐儒

贈范吾山

玉琨

觀察四詩

三危有青鳥曾向蓬瀛飛丹穴鳳爲友麗農鸞作妃沆瀣解夕  
渴琅玕充朝飢陵風一引吭簫聲和琴徽云何逢弋者緝繳發  
危機傷臆墮泥塗羽毛失光暉哀鳴尋舊侶關河阻以違衷衷  
中道聞去住莽何依爰有大羅氏呿漱爲獻歛飲之以醴甘飼



之以芝韞翰副遂勁健鳩梟難肆威青鳥寄致謝爲報王母歸

右青鳥篇

老馬棄曠野鳴鳥啄瘡背衰草不充腸何有龍芻菜四蹠走屯  
澶驚駘笑其殊憶曾馳沙場踏敵百萬隊虎脊起龍文過都儵  
歷塊將軍立戰功書勳麟閣內今者病蹢躅孫陽憎不愛老馬  
亦低頭不敢言冀代忽遇田子方束帛爲贖賚振鬣卻長鳴可  
知雄心在豈不念拂拭筋骨非曾逮青海秋風來箭雲回首睽  
右老馬篇

澡絲苦不自旣白嫌匹短鑄劍恨不利旣利怨售緩皎皎寒女  
機雪練隨風縮烘烘歐冶鏽霜鋒逼月滿製爲璫火裳應憶涼

宵纂繫以荆綏繩但思老蛟斲壯士鬱苦懷登樓極望眼征鴻  
自南來哀響激葭管感我思鄉心江湖夢瀟瀟胡爲尚裴裒毋  
乃病疏嬾願問嚴君平爲我釋憂寤

右縑絲篇

晉逢白石生貽我以白石吞之了不飢肌膚日光澤安期東海  
來囊橐長餘尺贈之四十九咀嚙生羽翮遂到蓬萊山丹庭謁  
征伯僞祿舛偃佺歡顏來款客其餘眾黻仙大約數盈百或松  
下芾基或泉邊挂策或闔經臥林或飲酒脫幘鸞鳳舞埒軒虎  
豹守後宅獨有成智瓊贈我易一冊披眎昇今殊文字閒赤碧  
我意方懔懔天風忽吹舄臨行密屬言勿復爲形役

右白石篇

錢梅谿

詠

以澹園二十四詠并醉後歌及鐵券金塗塏二

圖見示賤四截句倉之

纔過瞻園又澹園  
圖荷未聽雨聲喧  
試尋廿四司空品  
又向先

生并細論

醉後掀髯擊筑歌  
千秋之樂果如何

用原歌中語

酒龍不覺乾坤窄

邠說滄桑并逝波

圖來鐵券塏金塗  
苦向先王手澤摹  
過眼雲煙都是夢  
射潮彊

弩尚存無

我是東西南北人  
瓜皮艇子憩江濱  
相逢頻有瑤篲贈  
可倩憑

霄寄玉塵

錢梅谿

詠

貽日本國所刻孝經暨臨摹瀋碑蘭亭帖並近

作十章作此酬之

果然隸聖是秋胡袁浦相逢日影鋪剛道文章神信有祁連雲  
氣接句吳

孝經圖簪說雌雄日本傳來有異同念我皋魚方作客北辰拜  
後泣西風

瀋碣熹平晉永和摹來貽我又詩歌仲文祇賦湘靈瑟邢及梅  
谿藝夏多

萍泛江湖一寓公鐵簫吹徹大江東何人笑我慳囊澀詩卷碑

文敵富翁

贈俞理初

正屢孝廉  
安徽歙縣人

一棹鯉魚風清江卸短篷知君經五庫問我姓雙蒙茶話香罍  
舌荷喧句在筒果誰是高密廢疾起何公

經神盛國初後起亦爬梳星宿須窮脈胷或失魚腐儒仰梁  
屋名士醉騷書之子今雄伯閒時問距虛

偶作

壯游徧九州局戶轉生愁未肯營三窟何曾事五樓陵冬能臥  
雪入夏反披裘予豈違時者天心象外求

晚步清江岸觀糧艘

百丈肩牽五兩瓢呼聲恐獨客船逆流而上帆風飽使者仍  
愁析木遙未到太倉都耗鼠將來返櫂卽私廩可憐粒粒民辛  
苦半被頑丁用水澆

乞酒於芥航河帥兄

一笑酒杯空空譚月弄風蕭瑟惟白髮羞澀此青銅吏部偷難  
學汝陽封未逢五經儻惠我束帶拜恩恩

顓師禹門亮采刺史荻莊雅集圖

何必效均茵蘆中竟有人花飛秋瑟瑟水響魚鱗鱗七子都名  
士三霄各致身孤鴻雲外影認得蘆蒲輪集者七人皆同膺  
孝廉方正之徵

顓春雨渡江圖

師禹門昇家芥航泛  
舟赴廣陵寫此圖

我管兩度上金焦大風吹浪舟簸搖微命幸未飽魚腹鶴銘鈔  
得泉盈瓢夜半欲窺蛟龍宅飛星入月江波跳誤落塵網三十  
年夢想北固空雲煙焦生裴公不可見如君乃是飛行仙細雨  
濛濛濤浩浩墊巾已渡瓜洲邊逝水年華去堂堂春風又到鱸  
魚鄉幻化泡漚悟生理一噓一寐聽穹蒼欲泛尾閭尋去處向  
若東望海茫茫

聽楓圖

師禹門刺史思尊甫  
樸齋觀察作此圖

露冕宣風憶乃翁江南江北駐青驄不堪重聽烏曉月一夜寒  
霜染碧楓

傷哉我亦蓼莪人入夜悲風到曉晨茅舍皋魚彈血淚何年寸

草報三春

西谿汎舟圖

禹門奉檄賑飢東臺作此圖

飛鴻滿野哀鳴嗷嗷稻梁告絕吾目其蒿汎舟之役使我心勞  
既賑貸之又撫循之白骨而肉枯株而枝起之溝壑鼓腹嬉嬉  
在管希文民瘼載勤百萬發粟不自爲勲仰眎星爵俯眎泮黷  
自夏徂冬雨雨風風幼飽壺漿老餘尸饗一柁兩樂用旌爾庸  
蘆溝折柳圖

禹門銓江南安東令時劉藜軒崔少山兩太史家芥航舍人來庭明府送之蘆溝作此圖

面裏都爲送抱人東粵久踏輦紅塵驪駒一唱分袞處楊柳兩  
行飛絮晨南國清風琴入夢蘆溝曉月水流春扳條畹地仍須  
折驚起黃鸝好縮輪



蔣伯生

因培

明府以岱頂重獲秦石刻字題詠見示卽題

四斷句於後

怨碑曾亦訪咸陽酸澀颶風裂敝裳一笑冬瓜坑博士何爲巡  
幸愛文章

趙高胡母篆能工獨讓斯翁勒岱宗想是銜能技癢甚不教蒙  
筆把諸公

十字新撈玉女池從弄廿九莫滋疑臣斯去疾原明白堪昇斤  
權隗狀丞

我亦開傳識字人天山液鼎問黃神近來好事多摹古未信讒  
岑果屬真

養素堂詩集卷二十二

荅威張澍介侯

浮漚集下 辛卯壬辰

題萬淵北 承紫 明府護關課讀圖

永夜坐埽軒伊吾不憚煩玉蟲銚吐穗蠶簡字尋源鶴髮坐無  
算蘭芽與不言幔亭看太姥巾卷有文孫

父喜窺簾久童忙煮茗寒書聲何瀟瀟花影自闌珊異日看擎  
角今宵且嚼丸披圖增健羨韋母業周官

贈余鷺門 霜元 觀察同率

草草仍來學曳裾悲風入夜泣皋魚鶴城尙有甘棠樹蓬徑原  
無仲蔚廬八口累人徒羈飯千秋知己此麟書何爲亦短公家

帑得不心摧朝莫狙

賴有黃鸞養雀人銜環敢說報恩身自分鱣鱣困螻蟻誰知雨  
露滌風塵乾坤莽蕩留詩卷日月奔馳想釣綸妻子定驚仍健  
在徐州東望淚霑巾

諸公衮衮在雲霄賤子泥塗意未寥不是等閒豔軒蓋早尋顏  
子樂簞瓢何人善佗獼猴舞此日休爲掘拓謠舊事還從知古  
問甘羅城外雨蕭蕭

蒲帆將又去袁江幸得清波送小艤勸我無爲蜎斗面知君不  
憎荳蔻腔榴花照眼青衫溼竹葉澆愁白犬咆信是人間真氣  
在芙蓉吐出劍鋒雙

贈廖儀卿

鴻藻

觀察

一葉汎江湖深防失故吾何人同白眼此日祝青峽烏泣松楸  
樹雲翬帝子都滑真良自憎那復怨窮塗

袁浦此淹回逢君輓粟來煎茶看蟹眼失路憎龍媒雨豈選花  
潤風能息鳥災甘糶錢竟出懷抱一時開

儒術信能真蒲蘆政在人直將心作鏡遮莫手爲鶉客我乾坤  
蟹有時鴻雁賓西江水攜得酒鮒待揚鱗

咳唾過江波停橈意若何防身鹿盧劍對酒雛飛歌客久慳詩  
興愁多惹病魔仙人橋順藥傾倒不嫌多

贈家芥航

井河帥兄

瓜皮小艇泛淮濱  
伏雨闌風送旅人  
四海無家空杖履  
三宵有淚溼衣巾  
允吾月冷松楸夢  
汲冢灰飛竹簡塵  
不是愁多徒悵望  
煙波江上欲迷津

非調番係昇王吳  
郝及張戎運遠謨  
書獻魚頭成絳象  
画來龍尾奠黃圖  
豈徒駐足明臣勇  
直以精心感

帝俞此日桃花隨  
竹箭欣看析木集  
蛟鱸

信是中流仵楫人  
我何爲者逐風塵  
神叢縱博勝猶負  
傀儡登場假亦真  
釣幡王孫尋舊蹟  
錢留庶子問頽闔  
深慚不及爰旌  
目尙憎微軀試苦辛

敢信年來閱歷多  
眞龍失魄更如何  
大江東去登艫望  
烏雒南

飛對酒歌長劍自鳴徒挂壁孤燈無焰欲呼魔披衣且讀周王傳記得樊桐有木禾

題齊梅麓

彥槐

太守贈許孝女詩卷冊

孝女名定生浙人

舊見等孝女

金匱人

賣回養父母今聞許孝女賣回養父母後

孝女蹤跡同許孝女者尤精手等女不嫁憫娉婷許女嫁後失其耦萍轉蘇州古揚州竭來又到清淮口不肯見人稱画師時拂丹青將肴酒以此上博二人歡繼素有靈米跳臼偶然亦復裁新詩清揚婉兮風芹柳佇月擁和彈瑤琴不奏黃鶴蓬飛首伊我來尋甘羅城頻覩妙墨歡賞久思欲整綬一見之轉嫌王褒從嫠婦素筵句得數叢簋雨葉風枝掃塵帚繼梅麓後率題

辭爲問定生知我否

清江偶作

班彪有事到淮濱  
染翰曾爲覽海文  
而我艱危爲旅客  
阿誰灑澹張吾軍  
韓王班外思垂釣  
召伯埭邊弔露筋  
底事裋褕仍頓襦  
黃河浪起卷愁雲

久坐瓜步岸上待月

科頭席地正多時  
等月穿雲印水澹  
幾處人家鐙數點  
欲銷愁緒酒千卮  
驚來棲鳥唳深樹  
照見寒龙出破籬  
獨自高吟行復坐  
船便辜負好涼颼

蟪蛄弔靈澤夫人

歸去屏陵臘舊城劉郎免得暗心驚如何龍馭三秋謝也見爍  
磯一死輕慘澹靈風依蜀棧洵漂逝水冷吳盟泉臺若遇皇恩  
面不恨阿嬌恨乃兄

吳季子井

張帆向曲阿季子逸蹤多葦夾潭吞浪欄摧井沸波延陵耕日  
掘尼父游時過我到奔牛鎮興懷發短歌

舟中讀書

冒暑生煩憂觀書息鬱念几上是何書文選辭粲豔賦意雲氣  
氤詩情波潏潏兩瀟文斐薈六朝筆典贍揚馬才盡代郭江製  
雄坵數子吾所欽百讀總不厭李生竟何爲箋注勞鉛槧繁複



惱未交意欲爲之砭風猛舟仄傾濡囊不得捻夜深燭幢幢照  
見雌雄劍

舟行

清風披拂洪波不與綰羽飄揚虛寥清激西北高山濃雲忽發  
辟歷迅霆急雨飛淖歔蒸乍斂涼飈吹幃檣舄梳翼載御袷衣  
碕砦之魚慘木爲潏宛宛曲笱有鯉有鯉買來白小煮酒呼童  
揮刀雪片慇飢以充永懷伊人遠在西秦關河無邈書阻丹鱗  
松門未遠尙爾星飢思我驕兒疾輪速反蔚蔚茂樹萋萋芳草  
江南之游坐使人老

京口

今之京江口禹貢之北江春秋值分朔大濤激奔瀧通屬江乘  
側赤岸北高峴洪波尤迅猛勢欲吞巨艘山謙南徐記者核精  
無雙近儒多臆說終古無潮濤試觀枚乘賦觀濤廣陵邦曹植  
求試表來南從旌幢劉楨記京口其言並無訛乃知馳騰怒撼  
搖北固徑雷霆喧戰鼓大力金山扛振奮藉藉口蛟龍氣欲降  
我來當溽暑無風倚篷窗埃鬱那可耐翫芳芷茫茫望極浩  
浩海門煙迷眊且復傾尊酒侑之以豆豉

舟泊鎮江

塵亭硯石尙存不鐵甕橫蟠古潤州萬歲芙蓉俱北顧大江波  
浪自東流金焦山向船窗見朝夕潮從海若浮未暇重修京口

記百花傾瑤洗牢愁

贈王香湖

青蓮太守

典郡無如古潤州次公勲業是再修

宋楊傑字次公

窗中浮玉引詩興

部內醇醪消客愁而我江湖仍浪跡  
沉君名字是清流把杯絮語添惆悵  
不是雲將好遠游

吳趨行

駕言游吳趨吳趨信豐樂  
昌門鬱岩巖飛樓連傑閣在胥伍子  
胥太乙立城郭破楚撞九龍伐越飲二  
若一旦失湛盧屬鏤飲鋒鏑技目縣  
雙星入夜光佗佗愁來梧宮秋不復  
市舞鶴大帝亦英雄霸基恢式廓振綱  
羅羣才斫案氣不弱胡爲稱魏臣火

鑪招惡醜當時佐多賢  
毋乃少偉畧睎及鳳皇  
年青蓋遂入洛  
我來思古人古人志靡託  
縱權泛清波脂粉香猶昨  
不見解入  
闔但聞虎伏塲說法訪生公  
吾亦宰官佗歌吹沸連宵  
士女競綽約土風奢且淫  
理物須簫勺我憤爲此詩  
此詩是良藥

重游吳門

風俗三吳麗江山  
六代屯重來尋勝跡到處駐高軒  
草綠鶯花界煙青水竹邨  
虹橋雜画鷁簾韻最消魂

又到伯通橋疏楊拂桂櫓  
笙歌回落日汶港避靈潮  
虎氣湛盧劍龍險伍員簫  
翹來過小巷不見專諸招

短歌行

薄酒閒濃酒長歌續短歌  
援琴揚白紵洗琰碎黃鸞  
娛光侵越女巧笑侍秦娥  
黯醉顏微渥鉤簾目送波  
坐中有俠客拔劍舞婆娑  
星河光耿耿玉宇拭雲羅  
西北指榆塞東南揮牂牁  
誓報君子惠拂衣歸煙蘿

苦熱行

火雲燒虛空舟行苦遭灼  
水氣騰沸湯魚潛不敢躍  
林枝焦欲然開口噓鳥雀  
宛游赤坂西頭痛歐吐惡  
安得樓雲興一雨洗蒸鑠  
推篷看塘荷香到鼻觀落  
無奈風炎溫吹我髮卷簾  
胡爲此遠行不得登水閣  
赤足踏層冰懍懍有夢但  
他日返涼州松

瀟寺裏樂

晉涼北城外有松瀟寺  
夏日甚涼可避暑

艫頭乘涼

白雲飛亂絮空

主聲

際星鎔落清風一披拂宛宛出睂月金波穆

穆流映水光粲發我欲鞭織阿御之入蟾窟仙曲聽霓裳鄉愁  
或銷歇鄰舟鐵篴聲憂心轉鬱勃不如醺濁醪袒衣腳不韞倚  
檣發長吟遠看青山骨

過平望十里泊舟

水宿野寥曠眾星沉清明遠樓高樹映曲港小航橫流螢颺浪  
亂猶犬隔邨鳴岸近人喧語葦繁鋤競聲淹遲感客子懷抱鬱  
難平聊復登艫望涼風吹襟輕呼重溫濁酒一飲到三更三更  
月皎潔風微水文生征途信冉冉念遠詎無情

舟過富陽縣

江西山嶺嶙江東山平遠城據西山嶺衙署倚後巘松杉被岡  
巒街市長延蜿江流駛且清風勁帆高穩濃雲如馬奔雨灑波  
起圈長竿支腳坐舍樂或息偃峯麓樹蔚蔚炊煙冒野畹瀏覽  
目不暇移情幾忘食

富春至嚴陵舟中作

兩岸人家入畫圖荒邨破屋也仙區不知人世蠅營趣山裏豺  
狼馭病夫

一路沿緣簇好山流雲捧出翠煙鬟空明鏡裏來相照睡起半  
粧楊玉環

靈藥滿山氣味芬知名卻欲問桐君松閒白鶴兩三個飛向清  
泉吸碧雲

澹煙裊裊上濃雲手自推篷看水文多少漁舟爭撒網掠波驚  
起鷺鷥羣

白小魚兒作隊行淨塵不隔碧波清戲投石子浪花蹙天上流  
雲水底橫

纔轉花汀又蓼汀遠峯無數送遙青炊煙漾綠縈高樹何處孤  
篷是客星

路人爭說子陵灘六月風清月自寒我亦江南常作客煙蓑雨  
笠欲投竿



舟泊嚴子陵釣臺旁

一著丰裘便有心何如煙水杳難尋  
牛牢也是清高士底事詩人不入險

白石粼粼碧水橫當年把釣是逃名  
我來恰值風清夜卧聽江濤送鶴聲

七里灘

曲曲灣灣七里灘灘聲不斷壯波瀾  
篙師翼力風雲變繹子屈焉鷗鷺攢  
岸進仍然遠彼岸急流翻似到回湍  
那能不訪嚴君跡淹源何由意念歡

龍游江中見波間跳魚

軒然大波起巨魚縱躍之撥刺水飛沫銀鱗照旁涯深淵真樂  
國奮力互揚鬚揚鬚信可樂投餌啓漁師曷若靜潛伏荇藻相  
娛戲岩而必失水螻蟻來相欺

讓風伯

舟至瑞洪大風舟將覆伯此詩

爲人昇爲神其道一而已爲人處世間不作風波起惟神有飛  
廉實乃天之使不怒有餘威況可輕意旨江湖本壯闊擁楫疇  
敢喜若復鼓狂飈縈雲接立水榜人力難施客子心欲死神乎  
其愼思未必犯姦宄福善而旤淫灼灼此天理儻不確審管毋  
乃介疑似陳霍曾涉江拔劍肆詆毀夫寧安披昌无咎諒可恃  
曰余敢自矜吏治幸無牝草草伯勞人低心蒙詬耻尙希神昭

鑒何庸煩波詭豈不念友朋豈不懷妻子一旦葬魚腹含冤憤  
千禩神乎果有靈送我一帆駛瞬息到松門清酒向空醺

舟中憶三兒阿虎

念我騎兒夢不成醒來兀坐聽風聲風聲卻舛雨聲續應數阿  
爺路幾程

鄰船嚶嚶有唳聲振觸情懷百感生莫似阿兄書嬾讀可能永  
雪淨聰明

舟抵南康東署郡守霍松軒

樹清

同季

一樞到南康廬君引領望相逢仍面目此別又蒼茫湖水連天  
動鑪煙入月香勞人何草草尙乞禹餘糧

白髮已星星  
遙看眼獨青  
挑燈仍絮語  
索食得盤銘  
久客風波慣  
勞生世味腥  
明朝片帆去  
淚溼琵琶亭

青山阻風

那能波浪乘長風  
卸卻高帆壓短篷  
不信官亭分上下  
誰從左岸辨西東  
連檣蟻聚人聲靜  
遠岸林稀鳥翼空  
不見青盆好山色  
難尋石徑看丹楓

伏几聊繙瑤瑤書  
呼童且煮桂花魚  
日眞添線愁澆酒  
星有寒芒令到裾  
擁鼻微吟阿雛曲  
開窗遠火隔江漁  
披衣不寐霜天曉  
那有鵬聲款乃如

旅客貧辛問米鹽  
因何招妒此飛廉  
亦曾苛政除山虎  
底事勞

人上竹鮎一劍防身書幾篋三星在戶月如奩未知再路逢迎  
未披著半裘問鄭詹

江童儻送好風來瞬息揚帆實快哉湖口鐘聲仙樂奏庾樓月  
色皓輪開如何五日維鴻渚徒使三宵仰斗魁念我驕兒深怕  
悵廬君白鶴可飛來

輓鮑覺生

桂星

宮詹同季

乙酉分袂後聞君病鬱肝來書仍結蚓仙駕已驂鸞箕尾同星  
氣泉臺閼曉寒卅季情鄭重兀坐淚北蘭

宦達未嗟卑風波有定時

君以館事爲人傾軋被  
譴近又駸駸用矣

九重縷非憎四海姓名知心事同皎鳳文章等繡轡如何玉樓

召天上灑新辭

長安人客至共說仵閻羅正直聰明性韓禽寇準科有兒書早

讀念友硯時磨

王構堂比部有六尺大硯寄君許比部沒後君寫券付其嗣子精爽能沫靈

來聽我歌

老淚灑西風豈非吾道窮天心才果忌人世議從公詩卷留天

地功名等蠅蠟讀君生輓語

在都日君曾示以自輓聯語

哀響寄雲鴻

輓蔣礪堂

攸銘相國師

持節步沙隄明良一德齊老臣原宿望謀國又平禔未敢陳三

策

師屢辭河帥之命

惟聞食片鬻清風那可得試問粵東西

未始矜權術人言記性多深知兼聽是其奈有情何冀北羣頻

稔江南水不波鹽臬今向化誰道是降魔

師以淮鹽臬黃某投首部議錫級

上相自崇班豐功在大園有容真一个廣庇又千間縣鏡人藏

臧飛膏物洗瘕陳書屢規諫惟我最疏頑

余頻有書諷諫師頗不喜

痛矣騎箕去傳巖魁不魁未聞易名

詔誰奏董庭檄賸有羶郎冊

師祖羶郎先生刻書最精

雖傳王鐸衣松門今

已閉薤露悵朝睇

寄安嶽色懋齋

卜星額廉訪

閒氣如君是館陶詩噏寶劍句雄豪方縣肺石平民怨自有心

秤慰士勞遮莫非公憐舞鶴居然范叔有綈袍時循宣髮垂垂

老他日逢君擁節旄

浩蕩江湖汎一萍蒼茫天地寄雙翎果能端笈知龜卜亦願筮  
齡拜斗星夙夜猶然屢漏屋窮途尙復究遺經邵瓜五色他年  
種應念皖公山色青

至九江大雨舟行遇順風

厚霧濃雲壓白波陵風震雨溼青蘋天低乍見龍盤尾林遠那  
窺鳥宿窠暗裏觀書尋隙影愁中煮酒引詩魔勞勞慣作江鄉  
客未聽康王谷裏歌

將近廬山

船外喧闐戰鼓聲後山已去岸山迎波跳疑有瘦蛟舞風吼不  
聞飛雁鳴日霽霜寒隱廬阜潌清水落見吳城艤心尙比鷁禽  
迅佇立艫頭問濯嬰



東廬厚山

坤

制軍同奉

如君信是濟時才大矩邛張化理恢共仰黃精星徹福那教白  
辨水爲災子文紆雖國仍活度尙綏荒天可回聽得臚言都喜  
色晴川日出宿雲開

鈴閣清閒夜漏寒重來又復對杯盤敢言箸述追晁董共說經  
猷比富韓所幸聞詩知兔首有慚安邑累豬肝魁歟定佗潛夫  
論仰視三能北斗端

劉猷園

筆紳

觀察畱飲暑齋談渡泮過江二事輒貽四律

以志欽服

鴛鴦渡重泮思親仰大荒海嶺山涌鬣蛾賊礮摧檣裳脫疑城

立峭然盜艇傷誰知綠么鳳爲我退貪狼

事見紀事

龜赭夜潮來雲崩駭疾雷一身付健僕小舸看翻杯敢觸靈胥

怒那招孝女哀詰朝天宇淨一笑蜃樓臺

我公眞健者權畧識兵機四十人爲陳兩三時沒圍狂風呼颶

母神火仞天妃孝思誠昭格錢江又綏魃

聞之心膽悸況乃是身經忠信波濤涉艱難瞬息停枯查橫海

楫孤島宿江星痛定於今日東西佗戒銘

題劉默園

筆紳

觀察蚶洋出險圖

大海莽蕩飛驚濤臺灣孤縣一秋毫乘風破浪者誰子意氣眞  
昇天爭囊萬怪奔驅不惶惑兩腳高踏金背龜先生省親有懷

白挂帆不怕蛟龍宅。鱣牙喋血海波紅。十六城遠連天碧。二十  
六島煙濛濛。窟陰埋月潛魄魑。盤纔到黑水。泮賊艇四面陵。  
高檣礮聲殷天耳。爲蟬海水如沸雲飛揚。榜人泣請易衣服。性  
命或可逃。封狼先生於時膽氣癡。縛木爲柵船四隅。披以被褥。  
澆以水。居然疑城立。須臾持銃不喧。亦不發。九十人乃如萬夫。  
賊酋見之疑。且乖耳。不佞師子吼。此中大人能軍。吾徒何  
爲陷虎口。天吳到此不敢驕。陰火無光迷北斗。投琰祈神卜。所  
如西南有路尋。魑墟俄焉天曉。山峯露刃皆歡抃。心爲舒。謂是  
哨船相呼喚。誰知此輩爲變。魑鳴鉦伐鼓。蟻紛聚礮火四發。雷  
截渡先生曰。鎗鎗必中火。毬亂擲。龍掃霧。酋渠墮水舟遭焚。颶

風爲我助勇怒嗟哉此事甚險危  
鱗妖介鬼徒閃屍萬里青銅  
涌朝旭海天如鏡行如夷  
看來天心憐孝子想像蚶洋格鬥時

題劉默園

華紳

觀察錢江觸潮圖

奔潮潘侯後潮種震怒雷霆爭氣勇  
奔濤駭浪挾坐蜺弄潮兒  
亦生驚恐先生於時省親回正值潮頭夜半來  
巨舸大艚皆淪沒何況小艇如匭杯  
先生夢醒覺之早騎脊不知老僕老到岸  
方驚此身存回首雲煙迷海島  
我翁浪游到錢江秋高風厲渡  
飛瀧恍覩靈胥鞭白馬天低水立雪  
壓簷至今思之膽欲落孰料先生意自若  
方信忠臣憐孝子奇相執挺驅蛟鰐

題李蘭翹

會庚

大令心隨去帆遠圖卽送其赴臯州任

三言生  
分二二二  
嫋嫋款秋風  
雲帆杳靄中  
此心孤月白  
回首大江東  
興逐滄溟  
島天高鄂渚  
宮子懷何渺  
渺不繫有疏篷

襄水尙懷清  
魁州又典城  
霜天盤鸞翮  
月夜聽砧聲  
莫佯抽帆  
想勤修伯楫  
名何爲學漁  
父水上結鷗盟

茲來在昌未得一游  
黃鶴樓於其去也詩以志慨寄盧厚

### 山制軍

憶昔登臨看雪花

乙丑冬十月大雪登樓眺望

於今二十六季  
粵東流逝水

人將老西上枯查路  
又賒壁上應無舊  
詩句  
翫間尙有古衡牙  
挂帆無奈恁恁去  
樓上煙寒噪亂鴉

滿目飛鴻信可哀  
手提胥溺出沈災

時湖南北有水患

人皆鼓腹白餐

飽我亦繫心黃鶴來雲樹蒼茫影留聞琴音宋莫月登臺旅人  
自古多悲慨誰道江山解愛才

余偶讀紀文達公黃烈女詩深異焉烈女楚人許字同縣  
李某未嫁而李卒女媿李軍守三載一夕夢李來迎次  
日往昇母設未及返而卒女家執古禮葬黃氏塋其舅  
往哭之女墓忽裂兩家驚歎乃昇李合葬焉爲補此詩  
晉聞吳王女心許童韓重重游學遠方巾櫛無由奉悲懣遂隕  
生埋玉此深冢迢迢幾歲年重來尋宰拱愴惻感黃泉玉乃自  
穴踊率裾入幽竈藉慰平生寵楚江黃氏女雙雁未曾捧所天  
先怛化于歸意何勇三載茹苦蓼蓬首飛茸茸李子夢裏來爲

言迎以軼女笑諾欣然醒亦不眠恐赴母將設辭儻忽蠶脫蛹  
不是未亾人瘞之黃家壘舅也哀其心哭臨雙目腫剗然兆域  
穿棺露見偶備兩姓共嗟歎鄰里亦驚聳詢於眾所言台葬以  
土擁精靈此感通實乃情之種我歌崑山幾老淚黃河涌

舟中懷人詩十二首

小心尹若庭常恐難爲吏築庫十餘年

以知縣偕補庫大使

日學蠹食字

一旦宰宜黃奔牛腿失轡半載卽投簪惕若誤民事仕塗多雜  
流誰不雄予智君也斯未信所抱漆雕志里居勤丹鉛聞有地  
理記軒皇駐祁連幽奇不終秘

右尹若庭大令世阿

敦厚而端亮其惟我鏡唐木天文藻麗典試斗戴匡諫垣屢上  
疏大體告

聖皇視彼毛鷲者奚翅鳩舁鳳時時寄我字念我性過剛戒之  
以隨俗我意爲徬徨中天縣明月應照我肝腸君今亦外山  
骨見點蒼

右牛鏡唐觀察鑑

恭甫眞經神辭章亦等美史學尤深湛直摩二劉壘不見二十  
年時望齧峯紫叔重五經義康成駁其訛君手爲疏證旁引搜  
精髓我乃抵其隙隔背搔痒耳君著五經異義疏證余獻疑數十條不復趨承明  
駘藉口不理處世誠良難高才叢怨皆



右陳梅修太史壽祺

見君維揚上清和四月初念我佗吏瘞憐我得民譽歎我運不  
偶知我才不疏一詩動肝脾數紙寫欬歔俄焉柏臺掌臬災又  
勤渠君視學江蘇以左都御史內召旋奉旨查河工漫口並江浙水災周才洞利樊忍使吾民  
魚儻得開幕府三四不欺狙浩浩江之水何由寄尺書

右白少迂都御史鎔

兩江誰能吏大府薦超羣惟

皇亦簡在鹺政付之君私臬今充斥釐剔實糾紛才大心轉小  
夙夜抱憂勤奈何失計者冒昧輒上聞或言黷竈戶官吏裁虛  
文或謂私抽稅官私不須分願君早定計無惑桓寬云

右俞陶泉都轉德淵

仕也不得志故園歸去來有田可豆種有屋可書堆有時亦但  
回第五山崔崔君才信傲給君意實摧積慶兒嗟天折近來育  
龍媒偃曝課難字拈韻階階消萬事如此足焉用公卿陪余亦  
將棲隱攜手靈均臺

右家玉谿農部美如

汪子嗜學人得書每忘食揚吃善譚經獨坐常默默見我笑口  
開窮搜有新得我聞子所言欣欣有喜色不見廿餘年文章當  
綏國何爲久塞屯淞水鱗鱗匿袁浦逢理堂相昇共傷蠶  
俞正變孝  
廉安得扶搖風吹子出荆棘

右汪選樓文學家禧

魯讀河渠書賈讓陳三策今時并古殊安得守故冊君平信巨  
才塢流河歸脈忽逢江盛漲漫口通洪澤恐厘

聖皇心堵禦勞昕夕使者胡苛求飛語彈勁翮

謂沈范二觀察

誦君致

友箋忠懷填肝膈退休計固佳何人才十百

右家芥航河帥井

箸書豈不多經史得其要我所最服膺安能窮窳奧疇昔漆膠  
情有如刀附鞘近來音書稀素衣魑計繞君亦被吏議世事那  
可料仰首望燕雲滄江月難照我去隱東陵種瓜聊息燭君仍  
俟搏風老鰲儻可釣

右錢衍石給諫儀吉

相逢古招提同寓一季久偕者孫曉塘昕夕共杯酒自我吏黔  
南民部君行忝及我官巴蜀饒州君太守書來索新詩爲寫箴  
數首側聞芝生堂花醅太如斗今我宰永新君已離林藪不見  
歲阻深何由翦春韭

右許月巖太守兆桂

少廬如俊鶻共說吏才老九季牧禹州官職聲名好不久當騰  
騫豈非能懷保我思古之賢榮名以爲寶軼鑽胡爲乎立身毋  
草草我欲駐青門期君退休早相昇尋終南共食王母棗數字  
寄飛鴻滿天霜皓皓

右朱少廬刺史燁

楊子功名八閩著循聲駕浪涉重洋白髮念衰親大吏奏移

內終養荷

皇仁

君調臺灣內地

鳳來縣大府以親老奏移皇上特旨許其回籍終養

猗夷奮螳臂君乃參

戎約在里永銜換俄收涿鹿民良政今騰起豈曰非能臣憶管  
吏黔中共守范丹貧今也南北隔勿忘艾蘭因

右楊蓉初刺史桂森

對酒

對酒當歌起舞婆娑中庭廣廣仰眎星河牀頭金盞壯士涕質  
賸有寶刀剗犀截蜃躡跼塵寰逢人俛顏嗒焉如喪心志不閒

天或門開白雀飛來龍車騰上玉闕金臺地若穴陷羊珠光鑑  
騎他玉京周流汎汎疾輪忽吹徑到瑤池王母觴我雙成侑卮  
讀雲籤笈飲沆瀣汁不老恒春羣仙拱揖魑來恒幹滄桑幾換  
門外青松蚪枝倚漣且扃我扉且撫我徽養真葆素靜鏡平機

獨酌謠

悵然不樂念我勞人呼童煮酒以盪疲神無南鄰之朱老嗟塊  
獨以霑臂一酌天垣罍酒星騎龍下再酌地軸開酒泉涌金來  
三酌燭花吐酒魔不敢語四酌五酌忽大笑伯陽何壽顏何少  
隨意酌之不盡歡且把殘書倚枕觀書中頗有疑難字觀然能  
知奈味單欲呼婢奴飲鼻涕一尺長欲呼蓬婢飲眼睛貓兒黃

不如且獨酌舉杯邀過鶴最怕祖珽來髻中藏巨落吾其醉矣  
乎叩缶歌烏烏今夜不飲明日飲驀向鷲毛被裏寢

偶作

飲得高歡手中酒未必便爲大丈夫抵他鄧騭坐上閒說士依  
然一腐儒人生富貴如寄耳安能永寶常山符君不見蔡邕四  
旬歷三臺反仞佞臣是逸才又不見荀爽九十五日相又爲公  
沙乎所咎青雲自致尙足病況乃因人成事哉去矣乎天山之  
上有金液雪裏蓮花如雪白褰衣采之當朝蔬昇黃帝兄爭  
伯

壬辰正月初八日自南昌買舟西歸

挂席去南昌春波路正長西山楓雨急南浦水雲涼帝子愁何  
許廬君夢杳茫順風誰與助指日過鄱陽

有女皖公城良人綬未榮

以通判候補

驚懷不能見老淚灑縱橫況

乃悲慈竹

時余丁亥太安人艱

兼之痛智瓊大江明月白應照此時情